

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 05/2-15-1456-16/25/26
Dubrave Gornje, 13.02. 2026. godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U
o izboru najpovoljnijeg ponuđača

I

Ponuda ponuđača **NOVA BANKA A.D. Banja Luka** za LOT 1 nabavku bankarskih usluga, za ponuđenu cijenu od **1.982,50 KM bez PDV-a** proglašava se najpovoljnijom, te se imenovanom ponuđaču dodjeljuje **Ugovor za nabavku usluga vođenja transakcijskih računa.**

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom o pokretanju postupka broj: 05/2-45-1456/25 od 26.12.2025.godine, pokrenut je konkurentski zahtjev za nabavku bankarskih usluga, ukupne procijenjene vrijednosti 20.000,00 KM.

Predmetna nabavka je podijeljena na dva LOT-a i to LOT 1 – usluga vođenja transakcijskih računa ukupne procijenjene vrijednost 12.000,00 KM bez PDV-a i LOT 2 – usluge kartičnog poslovanja ukupne procijenjene vrijednosti 8.000,00 KM bez PDV-a.

Izmjenom tenderske dokumentacije i ispravkom obavještenja o nabavci rok za dostavljanje ponuda je bio do 19.01.2026. godine do 09:00 sati, a javno otvaranje pristiglih ponuda izvršeno je istog dana sa početkom u 09:30 sati, a što je sve konstatovano zapisnikom sa otvaranja ponuda broj: 05/2-45-1456-10/26. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Komisija imenovana za provođenje predmetnog postupka je dana 18.11.2025. godine pristupila pregledu i ocjeni dostavljenih ponuda. Predmetnom tenderskom dokumentacijom utvrđeni kriterij za dodjelu ugovora je „NAJNIŽA CIJENA“.

Prema zapisniku sa otvaranja ponuda broj: 05/2-45-1456-10/26, Komisija konstatuje da su blagovremeno zaprimljene dvije (2) ponude za LOT 1 i to ponude ponuđača:

1. **NOVA BANKA A.D. Banja Luka**, čija je ukupna cijena ponude iznosi 1.982,50 KM bez PDV-a
2. **BOSNA BANK INTERNATIONAL Sarajevo**, čija ukupna cijena ponude iznosi 10.650,00 KM bez PDV-a.

Pregled i ocjena pristiglih ponuda za LOT 1

Komisija je izvršila uvid u ponudu ponuđača **NOVA BANKA A.D. Banja Luka** te je utvrdila da ista sadrži uredno popunjene i potpisane obrasce za dostavljanje ponude i obrazac za cijenu ponude. Kada su u pitanju uslovi za kvalifikaciju, ponuđač je u pogledu lične sposobnosti dostavio popunjenu i ovjerenu kod nadležnog organa izjavu iz člana 45. Zakona o javnim nabavkama BiH („Službene novine BH“ broj: 39/14, 59/22 i 50/24), kao i dokaze o ispunjavanju uslova od tačke a) do tačke d) predmetnog člana.

U pogledu sposobnosti za obavljanje profesionalne djelatnosti i dostavljanje dokaza definisanog tačkom 3.2. predmetne tenderske dokumentacije, ponuđač je dostavio ovjerenu kopiju aktuelnog izvoda iz sudskog registra kojim potvrđuje ispunjavanje navednog uslova.

Kada je riječ o sukobu interesa, ponuđač je dostavio popunjenu i ovjerenu izjavu iz člana 52. Zakona.

Po okončanju pregleda dostavljene ponude, Komisija je utvrdila da ista ispunjava propisane kriterije i ocijenila je prihvatljivom.

U pogledu ponude dostavljene od strane ponuđača **BOSNA BANK INTERNATIONAL Sarajevo** uvidom u istu je utvrđeno da je ponuđač dostavio obrazac

za ponudu i obrazac za cijenu ponude koji su uredno popunjeni i potpisani. U pogledu ispunjavanja uslova iz člana 45. Zakona dostavljena je uredno popunjena i ovjerena izjava sa dokazima o ispunjavanju uslova iz stav (2) tačka a) do d) predmetnog člana. Kada je riječ o ispunjavanju uslova iz člana 46. Zakona predmetni ponuđač je dostavio ovjerenu kopiju aktuelnog izvoda iz sudskog registra kojim se dokazuje da je isti registrovan za obavljanje predmetne djelatnosti. Komisija je konstatovala da je ponuđač uz ponudu takođe dostavio i ovjerenu izjavu iz člana 52. Zakona.

Komisija je saglasna da predmetne ponuda ispunjava uslove definisane tenderskom dokumentacijom, te je ovu ponudu ocijenjena prihvatljivom.

Po izvršenom pregledu pristiglih ponuda za LOT 1, u skladu sa uslovima definisanim tenderskom dokumentacijom u ovom postupku planirano je provođenje e-aukcije koja je zakazana za dan 27.01.2026. godine sa početkom u 11:10 sati, te je konačna rang lista ponuđača je glasila:

1. **NOVA BANKA A.D. Banja Luka** - konačna cijena ponude 1.982,50 KM
2. **BOSNA BANKA INTERNATIONAL Sarajevo** - konačna cijena ponude 10.600,00 KM

Obzirom da je cijena ponude ponuđača NOVA BANKA A.D. Banja Luka za više od 20% niža od cijene drugorangirane prihvatljive ponude, ugovorni organ je aktom broj: 05/2-45-1456-11/25 od 27.01.2026. godine u skladu sa članom 66. stav (1) Zakona i članom 17. stav (7) tačka b) Uputstva za pripremu modela tenderske dokumentacije („Službene novine BiH“ broj: 90/14 i 20/15) tražio pismeno obrazloženje ponuđene cijene.

Ponuđač NOVA BANKA A.D. Banja Luka je aktom broj: 05/2-1456-14/26 od 09.02.2026. godine dostavio detaljno obrazloženje za formiranje cijene ponude. Nakon razmatranja dostavljenog obrazloženja i izvršene analize, ugovorni organ je ocijenio da je ponuđeno obrazloženje jasno, argumentovano i prihvatljivo, te da ponuđena cijena nije niska u smislu važećih propisa, već je rezultat poslovne politike i konkurentnosti ponuđača na tržištu.

Imajući u vidu navedene činjenice, da ponuda ponuđača **NOVA BANKA A.D. Banja Luka** ispunjava uslove iz tenderske dokumentacije, te da je prema utvrđenom kriteriju za dodjelu ugovora, ocijenjena kao najpovoljnija, Komisija je predložila ugovornom organu da prihvati predmetnu ponudu i da shodno članu 70. Zakona o javnim nabavkama BiH donese odluka o izboru najpovoljnijeg ponuđača za LOT 1 predmetne nabavke i ugovor dodijeli ponuđaču **NOVA BANKA A.D. Banja Luka**.

Na osnovu prijedloga Komisije za provođenje predmetnog postupka javne nabavke, donesena je odluka kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
2 x Ponuđačima
1 x Evidencija
1 x a/a



DIREKTOR

Dževad Halilčević